



Communicaziun allas medias digl cumegn da Surses (nr. 12-2020)

Igl cumegn surpeglia dalla Tourismus Savognin Bivio Albula SA igl post per igl svilup digl li

Perveia d'ena restructuraziun dattigl tar igl cumegn da Surses midadas personalas sen igl 1. da schaner 2021. Nous ans legragn da beneventar a parteir digl onn nov Linda Netzer e Veronica Janett aint igl team dall'administraziun communal. Ellas reteiran igl sies biro ainten l'anterioura tgesa da scola a Tinizong.

La partiziun «svilup digl li» totga anfignen igls 31-12-2020 tar la Tourismus Savognin Bivio Albula SA. La suprastanza communal ed igl cunsegl d'administraziun dalla TSBA SA on decida, d'integrar chella partiziun da nov ainten la structura digl cumegn da Surses.

La partiziun «svilup digl li» è igl center da competenza per igl svilup strategic digl spazi da veiver Surses cun igl accent sen igls temas abitar, economia e turissem. Pinavant magna la partiziun en agentura per projects da destinaziun prioritars.

Linda Netzer è la manadra dalla partiziun "svilup digl li" e vign a sustigneir an chella funcziun da moda avantagiosa la direcziun e la suprastanza digl cumegn. Ella vign assisteida da Veronica Janett, tgi surpeglia l'incumbensa da manadra da project. Nous ischan cuntaints da pudeir profitar dallas cunaschientschas professionali e dall'experientscha fundada dallas dus novas collaboratouras.

Linda Netzer veiva cun igl sies om ed igls dus mattatschs a Savognin. Veronica Janett è carscheida se a Savognin e veiva ossa cun igl sies om ed igl sies unfant pitschen a Tinizong.

Tinizong, 15-12-2020

Suprastanza communal Surses



Linda Netzer



Veronica Janett